

Suliassat nalinginnaasut

Imm. 06 Meeqqat atuarfiini suliniutit

Journal nr 51.00

Tunuliaqutaq

2015-imi aggstumi Kommunalbestyrelsi aalajangiivoq, meeqqat atuarfiini suliniuteqarfiussat tullinnguuttut arfiniliussat: 1) atuarfiup angerlarsimaffullu suleqatigiinnerat, 2) iPad-imik suliniut, 3) oqaatsinik ilinniartitsineq, pingaartumik tuluttut, 4) ersarinneruneq, 5) nakkutilliineq attaveqatigiinnerlu kiisalu 6) meeqqat atuarfiat tamanik isiginnissuseqartoq.

2017-imi oktobarip aappaani Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap ataatsimiinnerani suliniuteqarfiit eqqartorneqarput, suliniuteqarfiillu pioreersut ingerlateqqinneqarnissat aalajangiunneqarpoq, tullinnguuttutigullu ilaneqarlutik: Meeqqat atuarfiat tamanik isiginnissuseqartumi meeqqat immikkut pisariaqartitsisut suliniuteqarfinnik suliaqarnermi ilanngunneqassat. Atuartut atuagarsornikkut piginnaasaannik qaffassaaniarluni, ilinniartitsisunut atuartitsissutinut ilikkarnartunik piginnaasaannik ineriartortitsinissaq kiisalu ukiumut pilersaarutit aallunneqassapput.

Kommuni 2018-imiit 2020 tikillugu atuuttussamik pilersaarusiornermi periusissiamik suliaqarnissaanut atatillugu, suliniuteqarfiit misissuataarnissat kiisalu suliniuteqarfiit sorliit ingerlatiinnerneqarnissat sunillu ilaartorneqarnissaanut aalajangiinissaq Pisariaqarpoq. Tamatuma saniatigut suleqatigiinnissamut isumaqatigiisummut 2017-imit 2021 tikillugu Oqartussaaneq, ataatsimoorneq ineriartorneqarlu-mut suliniuteqarfiit naapertuunngorsarneqassallutik.

Maleruagassatigut tunngavissat

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap, meeqqat atuarfiat akisussaaffigaa.

Pissutsit atuuttut

Atuarfinni aqutsisut februaarimi ataatsimiinnerini meeqqat atuarfii pillugit suliniuteqarfiit eqqartorneqarput, suliniuteqarfinnullu pioreersunut atuarfinni aqutsisut paasissutissiipput kiisalu pingaarnertut sammisani allannguutissatut siunnersuuteqarlutik.

Suleqatigiinnissamut isumaqatigiisummi immikkoortut ilanngullugit allannguutissatut siunnersuut, meeqqat atuarfiinut suliniuteqarnissamut tullinnguuttutigut siunnersuutigineqarpoq

Atuarfimmu ataqqinneq ataqeqatigiinnerlu

Meeqqat atuarfianik isiginnittaaseq kiisalu immitsinnut pissusilersornerput allanngortinniarpagut, ataatsimoorlutalu atuarfik pitsaasunik angusaqarfinngorlugu orniginartunngortissallutigu.

Meeqqat atuarfiini angusarisartakkat pitsanngortinniarparvut, atuartullu amerlanerusut soraarummeeraangata pitsaanagerusunik karaktereqartarnissat qulakkeerlugu. Meeqqat angajoqqaallu meeqqat atuarfiinut isummernerinut pitsanngorsaanissamut, taamatullu angajoqqaanut, ilinniartitsisunut atuartunullu piumasaqaateqarnikkut, meeqqat atuarfiini illuatungeriit suleqatigalugit tamanna anguniarparput.

Ilinniartitsisut sakkussatigut, ilisimasatigut pikkorissaanikkullu piginnaasaannik qaffasaanissamut periarfissinniarlugit, ilinniartitsisut sakkussanik pisariaqartitanik peqarnissat qulakkeerniarparput.

Ilinniartitsisut atuartullu akornanni takkutinngitsoortarneq annikinnerpaaffianiitsinniarparput, taamaaliornikkut atuartitsineq nukittorsarneqassamat.

Ilinniakkerisarnermi kulturi pitsaanagerusok pilersinniarparput, matumanilu ilinniartitsisut/atuarfik pingaaruteqartorujussuupput. Ilinniakkerisarnerup annertusarneratigut, atuartut piginnaasaasa

atuartitsinermi pissarsiaqarluarnerunissaat nukittorsassavagut, taamaaliornikkullu ilinniaqqinnissaannut piareersimalersillugit. Atuartunut ataasiakkaanut ilinniakkerinerit naleqqussarneqassapput, ilikkagassatut anguniakkanut kiisalu ilinniartitsisup atuartitsineranut ataqatigiissillugit. Suut ilinniagassaanersut, qaqugukkullu naammasseriigassaanersut angajoqqaanut ersarissapput. Atuarfik angerlarsimaffimmik suleqateqaraangat, taamaalillunilu ilinniakkerisassanik isumaqatigiissuteqaraangat, tamanna pitsaasumik sunniuteqartartoq takusinnaavarput. Meeqqat tamarmik 3. klassimut ikaarsaanginnerini atuarsinnaalersinniarlugit, atuarsinnaanermik ilinniartitsineq nukittorsarniarparput, atuarsinnaalersimangitsullu annertunerusumik tapersersorneqassallutik. Fagini tamani atuartitsinissamut atuarsinnaanissaq tunngaviuvoq, tamannalu pingaernerutinneqartariaqarluni.

2018-ip ingerlanerani atuarfinni aqutsisunut kommuni aqutsinermut ineriartortitsinernik aallartisaassaaq, taakkulu ukiuni tulluittuni ingerlanneqassallutik, aqutsisullu ineriartortinneqartut ilinniartitsisunik aqutsilluarnissaannik piginnaasaqalersinneqassallutik, taamaaliornikkullu ilinniartitsisut atuartunik pitsaanerpaamik atuartitsinnaaneramik qulakkeerissallutik. Arlaatigut atuartunut ingerlalluarsimasunut, soorlu karakterigissunut, atuangitsukulangitsunut, ikinngutaallu atuartunut, atuaqatiminnik tapersersuillu atuartunut, anguniakkanik angusinissamut ilinniartitsisunik suleqateqarlu atuartunut, klassimi ataqatigiinnermik pilersitsisunut kaammattuutit akissarsisisarniarput. Ilinniartitsisut angajoqqaallu aamma kaammattuutit akissarsitinneqarsinnaapput, soorlu ilinniartitsisoq atuartut akornanni kaammattuillu arnermik pilersitsisinnaasumut imaluunniit angajoqqaat atuartuutimi atuarneramik tapersersuillu atuartunut. Ilinniartitsisut tamarmik atuartitsinermut ukiumut sapaatip akunneranullu pilersaarusiortarnissaanik kommunip piunasaqaateqarnerata saniatigut, assigiisaartumik malittarisassaliornissamut, pitsaassutsimik pilersitsisussamik kiisalu atuarfiup intra-ni angajoqqaanit takuneqarsinnaasumik ineriartortitsinissamut suliaqartoqassaaq. Nalunaarutit kommunimit suliakkiunneqartartunut atatillugu ersarinnerutinneqarnissaat suli sulissutigineqarpoq, taamaalillutik innuttaasunut paasissutissiissutigineqartassallutik. Nunaqarfinni atuartut peqataatinneqartarnerat, taamatullu atuartut angerlarsimaffiini atuartunut atugassaritinneqartunik pitsanngorsaannissamut suli at 2018-imi ingerlateqqinneqassapput. Meeqqanut illersuisup angalanermini Qeqqata Kommunianut nalunaarusiaa aallaavigalugu, 2017-imi ukiakkut suleqatigiissitanik arfinilinnik pilersitsisoqarpoq. Suleqatigiissitat arlallit meeqqat ingerlallu arnerat kiisalu meeqqat immikkut pisariaqartitsisunut atugassarititaasut pillugit, meeqqat atuarfiinittaaq, nukittorsaanissamik suliaqarput. Suliniutit ilagaat qinngasaarisarnerup akiorneqarnissaanut periusissaaq, tassani tigussaasumik iliuuseqarneq suliniuteqarnerlu aallunneqarlutik kiisalu meeqqat iPad-imik atuisuunerat internetsimullu attaveqarnerat eqqarsaatigineqarluni. konkrete handler og tiltag, samt tager højde for, at børn bruger iPad og har adgang til internettet. Qinngasaarisarnerup akiornissaanut periusissiami atuarfimmi sunngiffimmilu ulluinnarni inuuneq ersersassavaa, ukiumullu ataasiarluni nutarterneqartassalluni.

Atuarfiup angerlarsimaffiullu suleqatigiinneranik nukittorsaaneq:

Atuarfiup angerlarsimaffiullu akornanni suleqatigiinneq suliniuteqarfiunissaa kommunimit ingerlatiinneqassaaq, pitsaaneruserumik angusaqarnissamut Angajoqqaat tapersersuinerat pisariaqarlunnartuummat. Angajoqqaanik oqaloqatiginninnerit tapersersuinerusut akuersaarnerusullu anguneqassapput, taamaalinnikkut angajoqqaat ajornartorsiornerinnarmi taamaallaat attavigineqartassanatik, angajoqqaallu pingaartutut suleqatitut peqataatinneqassallutik. Meeqqap atuarnera pillugu atuarfiup angerlarsimaffiullu suleqatigiinnerat. Kommunip meeqqat atuarfiini ilinniakkerisarneq pillugu ataatsimoorussamik suliniuteqarnermik aallaqqaammut aallartitsisoqassaaq, ilinniakerisarnerup kulturianik pitsanngorsaannissamut atuartut, ilinniartitsisut

angajoqqaallu suleqatigiissallutik. Angajoqqaanut intra pitsanngorsarneqassaaq, ilinniakkerinikkut atuarfik angerlarsimaffillu attaveqaateqarfittut nalinginnaasunngussalluni, taamatullu assinik, nutaarsiassanik il.il. ikkussuinikkut pitsaasumik utertitsivittut inissisimassalluni.

Atuarfinni siulersuisut suleqatigalugit, angajoqqaanut atuartunullu atuarfiit aaqjissuussisarput, soorlu ataatsimut angajoqqaanik ataatsimiisitsinerit, tamanut ammatitsineq, isiginnaartitsineq kiisalu angajoqqaat suliffiisa avataatigut nereqatigiisitsineq.

Angajoqqaat akisussaaffinik nalinginnaasumik nukittorsaanermik sulisoqarpoq, islandimi meeqqat atuarfiini angajoqqaat akisussaaffinik nukittorsaanermik suliniummik annertuumik iluatsilluarsimasumik isumassarsiorniarpugut.

Illoqarfiit atuarfiini pingasuusuni atuarfiup angerlarsimaffiullu pitsaasumik suleqatigiittoqarnissamik qulakkeerinnissamik atuarfinni siunnersortit suliaqarput, atuarfiullu siulersuisuinik annertuumik suleqatiginnissallutik.

Ilaqutariinnut klassinik ingerlatsinerup, ukioq atuarfiusoq 2016-2017-imi atuutilersoq kiisalu illoqarfinni atuarfinni pingasuusuni ingerlanneqartoq, ingerlateqqinnissaa ineriartorteqqinnissaalu kissaatigaarput. Upernaap ingerlanerani pisortap sulisui ilaqutariinnut klassinik nalilersuissaaq, suut ingerlalluarnersut kiisalu allannguinnissamut suut pisariaqartinneqarnersut paasiniassallugu.

Aaqjiissutip ingerlaannarnissaa atuarfinit kissaatigineqarpoq, tamanna pitsaasumik sunniteqarsimanagera patsisaalluni, taamatullu aaqjiissut aalajangersimasunik akunnernik ingerlanneqartarnissaa kissaatigineqarpoq.

Meeqqat atuarfiini isumaginninnermi siunnersortit: 2018-imi missingersuutip aappassaaneerneranut atatillugu, isumaginninnermi siunnersortinik/suliniutinut sulisunik tallimanik atorfinitsitsinissaq, oktobarip 26-ani kommunalbestyrelsimit akuersissutigineqarpoq. Isumaginninnermi siunnersortini marluusut atuarfinni suliaqartarnissaat, atuarfiit kissaatigisaraat. Februaarimili misiliutitut taamatut ingerlatsisoqarpoq, illoqarfiit atuarfiini pingasuusuni isumaginninnermi siunnersortit sapaatip akunneranut marloriarlutik atuarfimiittarlutik. Aaqjiissut tamanna 2018-imi aprilimut sivitsorneqarluni ingerlatiinneqassaaq.

Atuartitsinerup ineriartortitsineq

Atuartitsinerup ataani ineriartortitsinissamik kommuni pingaarnertut suliniuteqarpoq. Suliniuteqarfitta ilagaat nutaaliornermik perorsaaneq. Atuartut inuttut, atuagarsornikkut inooqataanikkullu isumalluutaannik atuinikkut, nutaaliorsinnaaneramik piginnaasaannik siursaalluni perorsaaneq pineqarpoq, taamaalillutillu assersuutigalugu matematikimi namminneq isumassarsiaminnik ineriartortitsinnaalersinneqarlutik.

Atuartut ataasiakkaat pisariaqartitaat naatsorsuutaallu aallaavigalugit, fagini akunnernilu tamani atuartitsinerit naleqqussarneqarnissaat sulissutigineqarpoq. Allanngorartumik ilinniartitsineq pillugu inatsimmi piumasaqaataasunik ilinniartitsisut naammassinninnissaannut, tapersorsorneqarlutillu ineriartortinneqassapput.

Ilinniartitsisut pitsaasunik atuartitseriaatsinik filmiliorlutik, filmiliaminnik avitseqatigiittarnerinik ingerlatsiinnarnissarput sulissutigaarput, taamaaliornikkut suleqatit atuartitsineri iPad-it qanoq atorqearsinnaaneritut isumassarsiaqartinneqarsinnaallutik.

Ukioq atuarfiusoq 2018/2019-imit atuartunut ikorfartorteqartitsineq aallartisarneqassaaq, atuarfinni tamani ilinniartitsisut tallimat missaaniittut ikorfartortiuissaminnik toqqarneqassallutik, suleqataasut atuartitsinermini iPad-imik atulluarnernulernissaannik ikorfartortiuissallutik.

Vis-siv suliniummi suliffeqarfiit peqataatilerinnissaannut sulisuliatortoqarpoq, suliniummi siunertaavoq inuussutissarsiorfiit atuarfiillu imminnut qaninnerulernissaat, taamaalillutillu inuusuttut ilinniaqqinnissaannut piareersarluarsimalissallutik.

Oqaatsit, Nunanullu assigiinngitsunut akuulersitsineq

Oqaatsinik atuartitsineq aallunneqartuassaaq. Tuluttut atuartitsinermut atatillugu, Granny Cloud aqqutigalugu nunaqarfinni internetsikkut tuluttut atuartitsisarnissamut suleqatigiinnermik suli suliniummik ingerlatsiniarpugut.

Tuluttut oqaasilinnik ilinniartitsisunik atorfinitsitsiniarpugut, taamaaliornikkullu ilinniartitsisut ilinniartitsisunngorniallu tuluttut qallunaatullu oqaasillit piffissami sivikitsumi paarlaasseqatigiinnermik periarfissiniarlutigit.

Tuluttut ilinniartitsisut pikkorissartinneqassapput kiisalu ilinniaqqinnissamik periarfissinneqassallutik, taamaalillutillu nukarlerni, nikeriarfinnilumi allani, atuartitsinissaminnut sakkussa qarluassallutik.

Tamatuma saniatigit tuluttut fagini ilitersuisut, tuluttut ilinniartitsisunut isumassarsianik isummanillu ingerlatitseqqinissaminnik pikkorinnerulissallutik.

Oqaatsinik atuartitsinermik nukittorsaanissamut atatillugu, paarlaaqatigiinnissamut programminut atuarfiit ilaasortanngortinneqarnissaannut allaffeqarfik sulissuteqarniarpoq, tamatumani atuartut nunanit allanit atuartunik suleqateqartarnissaat tassungalu atatillugu paarlaaqatigiittarsinnaanissaat siunertaavoq. Atuartut nunani allani kulturimik atuartitseriaatsimillu ilisimasaqaliinnaratik, oqaatsitigit piginnaasamigit taamaalillutik ineriartortinneqassallutik. Klassit akornanni Nunavut Kalaallit Nunaallu suleqatigiinnissaat piukkunnaateqarluinnarpoq.

Atuilluartuunissakkut kingunerisinnaasai

Kommunalbestyrelsen meeqqat atuarfiannut suliniuteqarfiinik anguniaagaanillu ataatsimut paasinninnissaq ersarinnerulernissarlu pingaaruteqarpoq.

Aningaasaqarnikkut allaffissornikkullu kingunerisinnaasai

Suliniuteqarfiit aningaasaqarnikkut kinguneqarnissaat pisariaqavinnigilaq, suliniuteqarfiilli ilaat suliniutit naammassineqarnissaanut siusinnerusukkut immikkut aningaasaliiffiqeneqarnikuullutik.

Allaffeqarfiup naliliinera

Allaffeqarfik naliliivoq, suliniuteqarfiit amerlassusaat sisamanut ikilisinneqassasut.

Siusinnerusukkut suliniuteqarfinnut atatillugu allannguutit:

Qulequttat nutaat marluupput: 1) Atuarfimmu ataqqqineq ataqqqatigiinnerlu, aammalu

Atuartitsinermik ineriartortitsineq, atuarfiup angerlarsimaffiullu suleqatigiinnerat oqaatsillu pillugit suliniuteqarfiit ingerlaannartussaasuullutik.

iPad-imik suliniut siusinnerusukkut immikkut suliniuteqarfiunikuvoq, suliniuteqarfinili nutaani tamanna allanngortinneqarnikuulluni.

iPad-it pillugit suliniutit ingerlaannassapput, immikkulli suliniuteqarfiujunnaassaluni.

Suliniuteqarfinili allani iPad-i atornerqarlunilu ineriartortinneqarpoq, assersuutigalugu atuartut angerlarsimaffiisa atuarfiullu qaninnerusumik suleqatigiinnerat qulakkeerniarlugu, angajoqqaanut intra atornerqarnerulissalluni.

Siusinnerusukkuttaaq suliniuteqarfirmik siammasissumik meeqqat atuarfiat tamanik isiginnissuseqartumik taaguutilimmik peqarnikuuvugut, immikkoortorlu taanna Meeqqat atuarfiani angusanik pitsanngorsaanermut, ilinniaqqinnissamut piareersarnermut kiisalu Atuartunut ingerlalluarnermut aggulunneqarnikuulluni.

Tamatuma saniatigit ersarinneruneq nakkutillinerlu, aqutsisut ersarinnerunermullu allanngortinneqarnikuusoq.

Meeqqat atuarfiani illuatungeriinnut tamanut, matumani aqutsisut, ilinniartitsisut, angajoqqaat atuartullu ilanngullugit, suliniuteqarfiit taakku siammartinneqarnissaat pisariaqarpoq, taamaaliornikkut

immikkoortut suut suliniuteqarfiginerlutigit tamanit ilisimaneqalissallutik. Tamatuma saniatigut ataavartumik qaqilertorneqartassapput, nutarterneqartassapput meeqqat atuarfiinilu illuatungeriinnit tamanit takuneqarsinnaassallutik.

Innersuussut

Allaffeqarfiup innersuussutigaa, Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap suliaq eqqartussagaa, ilassuteqarfigissagaa iluarsisssuteqarfigalugulu kiisalu meeqqat atuarfiini suliniuteqarfissat siuliani nassuiarneqartut ingerlatiinnarnissaat akuersissutigissagaa.

Aalajangiineq

Innersuussut akuersissutigineqarpoq.

Kiisalu

Ataatsimiititaliap eqqartugaasa aaliangigaasalu nuannersunngorlugit allattoqarfik peqatigalugu tusagasiutinut ataatsimiititaliap siulitaasua ataatsimiititaliaq sinnerlugu nalunaaruteqarnissaa siunniunneqarpoq, taassuma saniatigut akuutinneqartinnissaa pisussani aaqqissuussanillu ilisimatsisuarnissaq aallaavigalugu (forretingsorden-imut) suleriaaseq pillugu. Nalileeqqinnissaq.

Ilanngussaq

1. 2015-imi aggustip 28-ani KB ataatsimiinneranit imaqarniliaq, imm. 16: anguniakkat suliniuteqarfiillu
2. Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap 2017-imi oktobarip aappaani ataatsimiinneranit imaqarniliaq:
Meeqqat atuarfiini suliniutit